

Mossi - Sebr Sõngo - Lust Scriptures

Ezipt Yiib Kibare 15:9 Be wā ra yetame: M sēn digi, m pa yōke, la m sēn yōk na lebg m puure! Ka rūb la m na n dū m yam? Ya m ta n wōog m svuga ya m nug tuk n looge!

Ezipt Yiib Kibare 18:21 Ges zāma wā svaka n bao neba, neb sēn tar dabaare, neb sēn zoet Wēnde, neb sēn ya pu-peen-dāmb n kō b naam. Kēer na n dū naam neb tusr zugu, kēer neb koabga, kēer neb pis-nu, kēer piiga.

Ezipt Yiib Kibare 20:14 Da yo ye.

Ezipt Yiib Kibare 20:17 Da tulg f to yir ye, da tulg f to pag ye, da tulg a dakōor ye, a zak bi-pugl ye, a naafo, a bōanga, da tulg būmb ba a ye a sēn so ye.»

Sōadga 11:4 Daar a ye, sāamba sēn da kalem Israyel kamba waa n yik n yābda velem. Israyel kamba meng naag n singa waasgo n yetē: «Ānda n na n kō tōnd nemd tū d wābe?

Yaoolem 5:21 Da tulg f to pag ye. Da tulg a zaka, a puugo, a yamba, a roog biiga, a naafo, a bōanga la a sēn so būmb ning fāa ye.»

Yaoolem 12:20 Naaba-Wēnd sā n wa yalg f tēngā, Israyel, wala b sēn kāab fā, tū f wa yeel f sūurē: «M data nemd n wābe.» Ad-f na wāb nemd wala f sēn date.

Yaoolem 22:22 B sā n ling yoaad ne pag sēn tar sida, b kuuda b yiiba fāa, paga ne raoā. Yiis wūbd a woto buud Israyel svaka.

Zozuwe 7:21 M yāenda bēeba laog svaka, Sinear fu yorg neer gifē, wanzurf zislem sēn ta waki koeems kobs-yi rēnna la sānem gilgu zislem sēn ta waki keems pis-nu rēnna. Raab wēng wala m yamē tū m dik-ba. M solga fāa bokē, m doog tēnsuka.»

Yūla 10:3 A tud n lubame n tēed t'a maana raoodo, a raaba sā n yaool n pidsi, ka Wēnd la a puusd barka, yaa Wēnd la a lēeg n laadē.

Yūla 78:18 B yika ne pu-toogo n fees Wēnde. B kosame tū b kō-b tū b rū wa b sēn dat tēka.

Yūla 78:30 B velma ra ket n zabd-b lame, b noor da ket n pida ne nemdo,

Yūla 81:12(13) Ya rē me yīng la mam me bas-a ne a tub-pa-wumdem. B maan b sēn date.

Yūla 106:14 We-raoogē wa, kom n yōk-ba; zī-peen-daasē wā b yik n feesa Wēnde.

Yūla 119:36 Pa sēn noom maama n so taoor ye, yaa sēn noom yāmba la m sūura pugda.

Yelbūna 1:19 Na n yūl woto ne ned ning fāa sēn fāad a taaba: b wat n fāsga yē meng vūm.

Yelbūna 6:25 Da bas f sūurā t'a tulg a neerma ye, da bas t'a nina kamsgo lub foom a bēdgē ye.

Yelbūna 15:27 Wagdr zak ka laafi zak ye. Sēn ka sāamd-a bu-tirse ne kūuni na n vūndame.

Yelbūna 21:25,26 Kuum daolg daab waglsā n kuud-a, a raabā pa naagd ne a nug tuvmd ye. 26 Beoog vēegdame tī nin-wēng zī n saagdē, nin-sōng vaagd n kōtame t'a ka mi beed ye.

Yelbūna 28:16 Naab sēn ka tar yam pida ne pān-tōogo; sēn ka tar-a fāad yam tara yō-woko.

A Izayi Sebre 56:11 Yaa baas sēn ya yāo-be-rāmba, n ka tīgd dūb ye. B zī n yeele: «Sekame!» Yaa rūn-kūmba sēn ka wūmd baa fī. Ned kam fāa tūuda a sore, n get a fāaba sēn na n tekē.

A Izayi Sebre 57:17 A Israyel n beege tī m sūur puug wakat yēngā tī m nug zēk n wē, tī m da ka rat n le yāend-a ne m nif ye. Yaa bāmb n kell n yī tōatba n bao sor ning b sēn dat n dike.

Zeremi 6:13 B fāa, b kom-bōoneg ne b nin-bēda, b fāa baooda b yōod bala. Bāngdba wa maan-kuudba, zirē bal la b tuvmdē.

Zeremi 22:17 Fo sēn ne yaa sēn nafd foom bala. Sēn pak foo bala yaa f ku sēn ka tar b toorē yelle, yaa f maan bi-beelem la pān-tōog.

Zeremi 51:13 Babilon, fo sēn be ko-bēd noorē la fo sēn ya dakāagre, fo wakat taame, fo wēnema pida zānga.

Ezekiyel 6:9 B na tēeg m yelle b pa-weera tēngē. B na tēeg tī m sēn nams-b woto wā, yī-la b yama sēn lak ne maama la b sēn wēnemd b nens n tees wēn-naandsā. B sūur na n yaala ne b meng marsā b sēn tūm tuvum yooda yīngā.

Ezekiyel 14:4,5 Dulla wilg-ba maam, Naaba-Wēnd sēn leokd-b: «Israyel ned sā n lebg wēn-naandsa yamba, a sā n bas tī sēn lubd-a yel-wēndē wā gād-a, t'a baas n wat n na n sok bāngda, a bāng tī yaa mam meng m toore n na n leok-a. M na ges a sēn pugd wēn-naands niynsa sōor sēn zem to-to. 5 M leokra na n yēesa sēn da zāag b mens ne maam, b wēnd-naandsa yīngā.»

Ezekiyel 22:12 Fo nengē b reegda ligd n daagd zūm, fo pengda ligdi n deegd roaglse, n deegd roaglg tī loogdē. F maanda f taab pān-tōogo, n deegd b laogo. La maam, Naaba-Wēnde, b yīmda maam zānga. Yaa woto la m sēn ne.

Ezekiyel 33:31 La woto m neba wata wusgo fo nengē, n na n kelg-fo. B kelgda f goama la b pa maand f sēn yet ye. B maanda wa b sēn date, n baood sēn nafd bāmba.

Oze 4:12 la yaa wēn-naande, wēnd sēn pees ne raado la a tī soke. Ra-giig yīta wān n wilg sēn wat beoogo? Ad-y yaa yoob raab n wa b yamē n kēes-b moogo. Yooba la b sēn bas Naaba-Wēnd n pug wēn-naandsā.

Oze 5:4 A Israyel kamba sēn maana kītame tī b ka tōe n lēeg n wa kē Naaba-Wēnd ye. Yooba liba b yam tī b ka le mi Naaba-Wēnd ye.

Mise 2:2 B sā n dat puggo b reegd-a lame. B sā n dat roogo, b reegd-a lame. B

yōkda zak soaba ne a zak rāmba n dees b sēn so.

Nawum 3:4 Niniv, pug-yoaad bānde, f neerma, f fan-teeda ra lubda neba. F da raada dūni rāmba ne f bagrā la f yoobā.

Abakuk 2:9 Būk ne buko! Gomda m ba ro-meta! Wēdgāme n deeg f to zīiga tū f rat n ti-la f roogā taaba sēn ka tōe n taē ye n paam n pōs ne a ka neng rāmba nus yōkre.

A Matiye Sōng 5:28 La mam yet-y lame: Ned ninga sēn gesa a to pag ne raabo, a soab zoe n yoo ne-a a sūurē.

A Mark Sōng 4:19 n yaool n bas tū dūni zu-loeese, arzegs tulsem, tul's wēns buud fāa, wulumd-ba, tū Gomda sēn buda pa tōe n wom biis ye.

A Mark Sōng 7:22 to pag baoobo, arzek wuṣg baoobo, pu-toogo, zāmbo, reem yoodo, sū-kiiri, to yu sāoongo, nagre, yēs-pōasa.

A Luk Sōng 3:14 Tāb-biisa me sok-a lame: «La tōnd yē, d maan bōe?» T'a yeel-ba: «Bū y ra maan ned ba a ye pāng ye, da luk-y ned bāong zaalem ye, la y ra tulg būmb n zuvug y yaood ye.»

A Luk Sōng 12:15 B le yeela zāma wā: «Gūus-y y meng neere ne y raab waglā, tū f tar wuṣg me, ned vūm ka tūud f sēn tar paoong ninga ye.»

A Luk Sōng 16:14 Farizē rāmba sēn da nong ligdā ra kelgda rē fāa, la b laad a Zezi.

A Zā Sōng 8:44 Yāmb yita Sutāan nengē, yē la y ba, la yaa y ba wā raab la y rat n maane. Sutāan yū nin-kvud al sūngrē, a ka pa sīd pugē ye, tū sīd pa tol n be a nengē ye: a sā n togasd a zirē-beedā, yaa sēn be a sūurē la a yiisda, t'a yaa zirē-be-ned la zirē-beed ba.

Tūvum-Tūmdba Vūm 20:33 M ka tulg yāmb ned ba a ye wanzurf bū a sānem, bū a fuug ye.

Rom Dāmba 1:24-29 Yaa rē yīng la Wēnnaam bas-b ne b sūura raab yaalse tū b lūl yoob pugē n yaal b toorē yīnga zānga. 25 Wēnnaam bas-b lame tū yaa bāmb n deng n bas Wēnde, n dīk Wēnnaam sīda n tek ne zirē-beedo, n lēeg n kē bōn-naands n waoog-ba, n yaool n bas Naanda sēn tog ne pēgr wakat buud fāa. (Ami!) 26 Dē n so tū Wēnnaam bas-ba ne b minim wēnse, al tū b pagba tek vūm ning b sēn da segdē n vūnde, n sak sēn kisi. 27 B rapa me basa sēn ka kis bāmb ne b pagbā, n na n tulg taab ne raab kāsenga, n sak wūbd ne taaba la b reega b tudgr kāng yaoodo, yaood sēn da ka tōe n ka yao ye. 28 B sēn pa modg n tall Wēnd bāngr akīka, wala būmb sēn be yōodo, Wēnnaam bas-b lame ne yam kīdga tū b maan sēn ka segd. 29 B sūur sēn pid ne būmb ningā, yaa wēnem buud fāa, figlem, raab wagla, pu-toogo; b sēn mi yaa sū-kiiri, taab yōor yākre, zaba, zāmbo, taab bēdgo; b nonga b taab yūvr sāoongo,

Rom Dāmba 6:12 Da sak-y tū yel-wēnd le rū naam y yīn-kiidga zug ye; da le sak yā a tul's wēnsa ye.

Rom Dāmba 7:7 Noor yaa wēnga? M kōn yeel dē lēlē, la sā n ya sīda, yaa noor

n kit tū d bāng yel-wēnde. M tulla woto kōn waē m sūrē, noor sā n dag n ka yeelē lē-lē: da tulg ye!

Rom Dāmba 13:9 Noor ning sēn yet tū f ra yo ye, ra kū ye, da zu ye, da tulg f to būmbu, la sēn ket-ba fāa, kūmsame n lebg woto: nong f to n wēnd f menga.

Rom Dāmba 13:14 D yeelg Soaal a Zezi Krista wa fuugu la d da tags d yīngā yelle n baoood n na n pids a tuls yooda ye.

1 Korēnt Rāmba 5:10,11 ad-y m da ka gomd dūni wā yoaadba ye, m ka naagd raab waglā la fāadba ye, m ka naagd sēn puusdb wēn-faad ye. Sā n yaē la boto, yaē la tūle tū y fāa yiē dūniya. 11 M yeel-y lame bal tū y ra saag n maan zīnd-n-taare ne ned sēn yet t'a yaa yāmb saam-biiga a tēeba pugē, n yaool n ya yoaada, yāo-be-neda, wēn-faad waoogda, n nong a taab paoogre, n woond arzegs n samdē. M yeelame menga tū y ra sak tū ned a woto yī y rit-n-taag ye.

1 Korēnt Rāmba 6:9,10 Y zū tū sēn maand-b kēg ka tar puur Wēnd Rīung pugē laa? Da belg-y y meng ye: yoaadba, sēn waoogd-b bōn-naandse, dataase, sēn nong-b wēnga, sēn maand-b wūbdo, 10 wagdba, dat-wuusg-rāmba, dā-yūud beda, sēn paoogd-b taaba, fāadba, bāmb ned ba a ye kōn paam Arzān Rīung ye.

1 Korēnt Rāmba 10:6 Yela reng n maana woto n na n nek d yam, tū da bas tū yamleed wēnsā wa pid d sūur wa bāmb dēnd ye.

1 Korēnt Rāmba 12:31 Bao-y kūun niy়ns sēn ya-b sōmb n yūdā. La bas-y tū m wilg-y sēn be neer n yūd wa fāa-fāa.

1 Korēnt Rāmba 14:39 Woto wā, m saam-biisi, bao-y n paam bāngr kūuni, la y ra gūdg bu-zēn goam wūleng me ye.

2 Korēnt Rāmba 9:5 Dē la m tulg yā tū d saam-biisa reng taoore tū y segl y sēn dat n kis būmb ningā tū beed ka naag ye, la b yāend tū y kōta ne y sūuri.

Galat Rāmba 5:16-20 Bū y sak tū Wēnd Vuussem gād yāmba tū y na bas y yīngā raaba pugbo. 17 Yāmb mi tū yīngā maanda sū-kiir ne Wēnd Vuussem tū Wēnd Vuussem me maand boto ne yīngā; bāmb b yiiba zabda taaba; ya rē yīng la yāmb pa tōe n tūm y yam ye. 18 Sā n ya Wēnd Vuussem n kē yāmba, yāmb pa le tar noor tūvmd ye. 19 Yīngā sēn womd biis niy়nsā, y mi-b-la fāa: ad pagb yōgbo, yoobo, rataado, 20 wēn-yaals pugbo, tit rūbo, kisgu, mo-beedo, sū-kiiri, sū-puuri, zaba, zems-taab-kaalem, welegre,

Galat Rāmba 5:24 Neb niy়ns fāa sēn lebg-b Krista a Zezi soolem, bāmb dāmb rūka b zug wēngā n ka pik zugu ne a tuls wēnsa fāa.

Efēez Rāmba 2:1-3 Y ra lebga kūum, y beegre la y yel-wēna yīngā, 2 Y vūnda bāmb pugē pīnda tū y ra tūuda zamaana yam wēnga soaba la a soaala, sēn ket n tūmda a tūuma ne tōatbā. 3 Yaa tōnd fāa bal n pus n yī woto; d da tūuda d zug wēnga, n tūud d yīngā yamleoog la d tuls wēnse n tol n wa lebg beem zāng ne Wēnde, wa ninsaalb a taaba fāa.

Efēez Rāmba 4:19 Wēng la neer bāngr yama sēn kēke, lebga yoobo la b

tuumde, al tū b rik b meng zānga n kō tuum yoodā, a yeyn-ye.

Efēez Rāmba 4:22-27 B Pa zāms yāmb sida, tū yaa modgre tū y bas y pīnd vūma la y yeeg y zug kūdgā sēn tar y sāoong n dabdā ne a tūls waglā, 23 la y teem y tagsgā t'a wēneg yīngr dāmb dēnna? 24 B pa yeel-y tū y yeelg wala y fuugu Nim-paalā, Wēnd sēn naan ne b zemsgo, ne b sōmblem la b sida? 25 Dē yīng bū y bas zirē-beedo: ned kam fāa gom sida ne a to. Ned kam fāa ka a to wilg laa? 26 Yāmb sūur tōeeme n wa puugi, yāmb yee n da maan wēnga. Da sak-y tū wīndg lūl tū y sūur ket n kābd ne taab ye. 27 Da yōk-y y meng n kō Sutāan ye.

Efēez Rāmba 5:3,5 Sā n kella yoob ne a tuum yooda buud fāa, n paas zoe-bōne, bū rē ra tol n pud yāmb sūk ye: b basg bala n segd ne nin-sōma. 5 Kelg-y neere: yoaada, nin-dēgdo, raab wagl soaba, — a geta a meng wa wēnde — bāmb dāmb ka tar puur Wēnd la Krista Rīunga pug ye.

Kolos Rāmba 3:5 Tōnd zū n bao pēg-faado n pēg-y ye, d ka gom n yeg n bōs-y būmb ye. D Wēnda tara rē kaseto.

1 Tesalonik Rāmba 2:5 Tōnd zū n bao pēg-faado n pēg-y ye, d ka gom n yeg n bōs-y būmb ye. D Wēnda tara rē kaseto.

1 Tesalonik Rāmba 4:3-7 Ad-y Wēnd daaba la woto: bao-y sōmblem la y veoog y meng ne yoobo. 4 Ned kam fāa bāng n zā a meng yīnga, n zā-a ne pu-peelem la gūusgu. 5 Ned da sak t'a yīnga raab tōog-a wa a sēn tōe bu-zēmba sēn ka mi-b Wēnda ye. 6 D yīnga zāab poorē bū ned ba a ye ra saag n yeel tū yē n tar bāngre n wa tudg a taab ye. Yēl kāensa n wat ne Wēnd sībg n dok b sūuri, la d zoe n gom-y la rē yelle. Y zoe n paama d kaseto. 7 Soaala ka rat tōnd ne rēgd ye, b bool-d lame tū d yī sōma.

1 Timote 3:3,8 A ra yī rā-yūuda bū mo-be-neda, a yī nin-noanga, nin-bugsgo, ned sēn ka baood zaba, ned yam sēn lak ne ligdi. 8 Kāsem-dāmba sōangdb me tog n yū nin-tīrse, neb sēn yes b sīd zugu, n gūusd b meng ne rāam, la b zoet yānd ne bao yōod tū looge.

1 Timote 6:9,10 Neb niy়ns sēn dat-ba n zam paoong ne paoongo, bāmb dāmb lūl Sutāan kūlbgē, Sutāan bēdgē; b sūur wulumda ne tūls wēns ka tēka sēn lebgo zutu, n pogendē, n wāad la b menesd ninsaal zānga. 10 Bāasa fāa yēgr yaa arzēk tūlsem; yaa kēer sēn bas tū bā-kāng yōk-ba la b budg n zāag ne b tēebo la b bas tū yell tood sēn ka tōe n sōd wurg b sūuri.

2 Timote 2:22 Zāag f meng ne kom-būba minim wēnsā; bao zemsgo, tēebo, nonglem, laafi; naag f puusgo ne neb niy়ns sēn puusd-b Soaala ne pu-peelem.

2 Timote 3:2 Ninsaalba na n lebga beed dāmba, dat wusg rāmba, tītaam dāmba, wilg-m-meng rāmba, tēn-kān-neba, n pa le mi b roagd waoogr ye, n pa le mi sōm ye, n pa waoogr Wēnd ye.

2 Timote 3:6 Neb a taab me n be n saad roto n lebd pug-yirsa sēn pid ne yel-wēna zutu, pagb sēn lebg b tūls wēnsa yemse;

2 Timote 4:3 Wakat n wate tū neba ka na n le reeg zāmsg sōnga ye; b na n tūla b tuls wēnsā; b tuba sēn kurd tū b pa tōe n zīnd sūl wā, b na n baoo karen-saam-dāmb ka tēka, neb sēn gomd b sēn dat tū b gom būmb ningā,

A Tit 2:12 A kitame tū d bāng tū d tog n basa būmb ning fāa sēn ka wat ne Wēnd waoogre, n bas zamaana tuls wēnsā, n vūnd marsā ne gūusgu, ne sōmblem, ne Wēnd pēgre.

A Tit 3:3 Ade, pīnda tōnd me yūl yalemse, kūsdba; tōnd me ra budgame; tuls yood la sū-nood yood n da balg tōndo tū d da vūl ne yam wēnga, ne sū-kiiri, ne taab sābsgo la taab kisgu.

Ebre Rāmba 13:5 Vē-y ne m paoong kōn lūl m to nugē; ges-y y sēn tare wa būmb sēn seke tū Wēnd meng n yeele: «M kōn daag foom n bas abada!»

Zak 1:14,15 Yaa ned kam fāa raab wēng n takd-a, n belgd-a. 15 Raab wēnga sā n dīk puga, yaa yel-wēnd la a roagda, la yel-wēnd sā n kūmd dogem, yaa kūum la a roagda.

Zak 4:1-5 Y sēn be ne taab tū ya zab la mo-beedā, dē yita yē? Ka y zug wēnga sēn gudgd pugē wā laa? 2 Yāmb baoodame n yaool n ka paamnē ye, tū y yik n kūvda. Y neeme n data n ka soogd fū tū lebgd zaba la gāgs ne taaba. Bāng-y tū y sēn pa tarā, yaa y sēn pa kotā. 3 Y sēn kot būmb ning n pa paamnē wā, yaa y sēn pa mi kosgā. Sēn nafd y yīnga bal la y kota. 4 Long rōaag, long sūg kamba, yāmb pa mi tū zamaana nonglem yaa beem ne Wēnd laa? Sēn data n yūl zamaana zoa lebgda Wēnd bēyā. 5 Y tēedame tū yaa zaalem la Sebra yet woto: Wēnd data ne raab kāsenga zug-sōng ning b sēn pūdg tōndā?

1 Piyer 1:14 Wa kamb sēn mi sakre, lak-y y yam ne pīnd tuls wēns sēn da be y sūurē, y sēn waa n da ket likī.

1 Piyer 2:11 M sēn nong b rāmb wa fāa fāa, maam n yōkd y sēega, y sēn ya sāamba la so-toagdba yīnga, tū y zāag y mens ne y yīnga tuls wēns sēn sogd maoor ne y sūgā.

1 Piyer 4:2-4 n na n vūnd tēng zug vūma marsā, wala Wēnd sēn date; ka na n le yūl wa zug wēnga sēn dat ye. 3 Y sēn yik pīnd n tū bu-zēmba raabā, ka sek-y sūda? Yāmb saka b yoobo, b yel-yoodo, b rā-tigre, b ri-beda, b yūud n pa roogdē, b bōn-naands waoog yoodo. 4 Ad-y yāmb sēn pa le naag bāmba n duvg kūl ning sēn na n dī-bā, b pa wūmd a vōor ye. Dē la b yik n tar yāmb paoogre marsā.

2 Piyer 1:4 B kāaba tōnd kāab noodo la kāab bēda: b kāab-d la b wēndlema pūure. La woto wā b zāaga tōnd ne dūni wā rēgd la a tuls wēnse.

2 Piyer 2:3 B sēn dat tū b poorē yūl yalengo, b na n yiisa goam noodo n belg yāmba, la bāng-y tū b buvd zoe n kaoome la b wāab beoog zoe n vēegame.

2 Piyer 2:9-19 Wēnd maana boto n wilg tū b tōe n yolsa nin-sōma namsg buud fāa pugē n yaool n kees nin-wēnsa n na n sibg-b Būvda raare. 10 Sēn na n paam-b sibgr n yūda, yaa sēn zīb ne yoob tuls wēnse, sēn tūud-b yīnga raabo n sābsd Ziira Naaba. Nin-wēnsa tara wūglem la titaam; b pa zoet b na

tuus yīngr dāmb mens ye. 11 Malegsa ne b sēn yūd-b ne pāng la tōogā, yaool n pa saagd n kāneg la b luk nin-bāmb bāong Soaala taoor ye. 12 Ad-y karen-saamb yooda wēnda rūms sēn ka tar yam tī b tek yaa yōk n kodg bala. Yaa bāmb n tuusd-b sēn ka mi la b me na n baasa baasg a woto buudu. 13 B wēnema n wat ne b sibg wēnga. Bāmb dāmb yaa m bao m sū-noog tī wīndg keta. Bāmb n dēgem n sāam zānga; b sū-noog la b belg yāmba, n naagd yāmb n dīt noodo. 14 B gesgo, bāng pug-yoodr gesgo; b sēn pa tīgd wēngā, b kēesda wēng yamleoog sēn pa tar-b pānga sūurē; Wēnd sēn yāk b barkā, raab wagl bal n pid-ba! 15 B basa so tīrg n kē weoog n menem wala a Balaam, a Bosor biiga, zāmb ligd yamleoog sēn yōke. 16 Rē me n wa ne a kūldgre, tī rūng sēn ya mugtāa n yaag a noor n gom wa ninsaala n kiis bāngd kāng gāeemdo. 17 B sīd yaa wa bul-kēoodo, wa sob raoog sawadgo; b zīg pida ne lik la lik bala. 18 Gom faad la b mi. Ne b tuus wēns la b yoob tuuma, b takda sēn nan ka paam-b n zāag ne b pipi tudgrā. 19 B kāabda b taab soog-m-menga, la b mens balgame n zīi ne wēng yembdo. La sīda būmb sā n yūd f ne pānga, fo lebga bōn kāng yamba.

2 Piyer 3:3 Bī y bāng tī yaoolem wakatā neb sēn nong b taab laado, neb sēn mi b tab yaalgo n na n tū b zug wēngā n la yāmba.

1 Zā 2:15-17 Da nong-y dūnia bī sēn be a pugē ye. Ned sā n nong dūnia, a ka le nong Ba ye. 16 Sēn be dūnia puga, — sēn noom yīngā, nina sēn ne n tūlla, arzēk ne a sēn dogd a soaba: wilg-m-menga — rē fāa ka yit Ba wā nengē ye, b yita zamaana puga. 17 Zamaana yaool n loogdame, ne a tuus wēnsā, la ned ninga sēn maanda Wēnnaam yam, yē soab paada daar fāa.

Zūd 1:11 La yell bee zirē-be-mitba zugu; b rūka a Kaē sorā n kē moogo; b tudga a Balaam tudgrā, ligd daab yīnga; b ki-la b tōdgr pugē wala a Kore.

Zūd 1:15-19 tī b na paalg nin-wēnsa fāa b tuum-wēna yīnga la b sēn gom tītaam goama yīnga.» 16 Yaa bāmb n tar gom-bi, n tar guglengu, n tūud b yīnga yamleoogo, n gomd wilg-m-meng goama la b belgd neb n na n paam n dī. 17 Sā n ya yāmba, m kom-nongdse, tēeg-y Soaal a Zezi Krista tuum-tumdba sēn wilg būmb ningā. 18 B ra yet-y la woto: «Dūni wā sēeb wakato neb n na n zīndi n mi b taab laado la b pugd b minim-wēnse.» 19 Bāmb dāmb n wat ne welgre. B basa b yam sōnga pugbo n vī wa rūmsi.

Yēl Pukr Sebre 18:14 Fo sēn da geend yōod ninga, fāa menemame n bas foom; f faongā, ne f ziira, fāa sēe sōmpi!